

NEST (fl. 1120), tywysoges yn Neheubarth

Enw: Nest
Priod: Gerald de Windsor
Partner: Owain ap Cadwgan
Partner: Harri
Partner: Stephen
Plentyn: Angharad de Barri (née de Windsor)
Plentyn: Henry
Plentyn: Robert Fitzstephen
Plentyn: William Fitzgerald
Plentyn: Maurice Fitzgerald
Plentyn: David Fitzgerald
Rhiant: Gwladys ferch Rhiwallon ap Cynfyn
Rhiant: Rhys ap Tewdwr
Rhyw: Benyw
Galwedigaeth: tywysoges yn Neheubarth
Maes gweithgaredd: Gwleidyddiaeth a Mudiadau Gwleidyddol; Teuluoedd Brenhinol a Bonheddig
Awdur: Thomas Jones Pierce

Merch **Rhys ap Tewdwr Fawr** a Gwladus, ferch **Rhiwallon ap Cynfyn**. Tua'r flwyddyn 1100 priododd Gerald o Benfro, a bu o leiaf dri mab o'r uniad - William, **Maurice**, a **David Fitzgerald** - ynghyd â merch, Angharad, gwraig William de Manorbier a mam **Gerallt Gymro**. Y mae'n amlwg ei bod yn wraig nodedig o brydweddol a swynol; bu'n ordderch i amryw. Enillodd iddi ei hun enwogrydd (neu, o'r hyn lleiaf, amlygrwydd) fel ' Helen [Troea] Cymru,' oblegid ei chymryd ymaith trwy drais mewn modd rhamantus, a hynny bron ym mhresenoldeb ei gŵr, gan **Owain ap Cadwgan** yn 1109. Ymysg ei llu o blant yr oedd **Robert Fitzstephen** a Henry ' filius regis,' mab y brenin Harri I. Ni wyddys pa bryd y bu farw, eithr bu fyw am gryn amser ar ôl y flwyddyn 1136.

Yr oedd merched eraill o'r un enw ond yn llai enwog na'r Nest uchod: Nest, ferch **Gruffydd ap Llywelyn**, Nest, wraig Bernard Neumarch, a Nest, ferch **Gruffydd ap Rhys**.

Awdur

Yr Athro Thomas Jones Pierce, (1905 - 1964)

Ffynonellau

J. E. Lloyd, *A History of Wales from the Earliest Times to the Edwardian Conquest*(London 1911), Cyf. I

J. E. Lloyd, *A History of Wales from the Earliest Times to the Edwardian Conquest*(London 1911), Cyf. II

Oxford Dictionary of National Biography

Giraldi Cambrensis Opera (1861â€"91)

Darllen Pellach

Ethygl Wicipedia: Nest ferch Rhys

Dolenni Ychwanegol

Wikidata: Q449000

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiaid Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

LGC
NLW

LLYFRGEL
THE NATION



Yn ddwy gan:
Llywodraeth Cymru
Supported by
Welsh Government